

rarii Cubiculariorum Regiorum Magistri et Campi Vigiliarum Praefecti officique Banalis Locumtenentis celebrata, conclusi.

(Caeteris exmissis.)

Articulus 9.

Pro Vice-Comite Comitatus Zagrabiensis in Partibus Segniensibus Maritimis, Exemplo Articuli 13. Anni Millesimi Sexcentissimi quinquagesimi Tercii, Egregius Antonius Vukaszovich per Dominos Status electus et constitutus est; qui cum actu abesset, proxima occasione coram Domino Regni Vice-Bano, tanquam Comitatus Zagrabiensis Supremo Comite, super eodem Officio solitum praestare tenebitur Juramentum; qui post praestitum Juramentum, et Successores sui in eodem Officio, sessionem dum et quando ad Regni Congregationes comparuerint, post Comitem Terrestrem Turopolitanum sunt habituri; Cujus Juditia ad Sedriam Comitatus Zagrabiensis appellari debeant; Celebratione nihilominus sedis ejusdem etiam sine praesentia dicti Vice-Comitis libera permanente. Lectum per Magistrum Joannem Braniugh Protho-Notarium Regni m. p. (L. S.)

Originale in Archivio Regni Croatiae.

1723. MENSE AUGUSTO. ZAGRABIAE.

Articuli Generatis SS. et OO. a. 1723. 23. et sequentibus Mensis Augusti diebus, Zagrabiae celebratae Congregationis.

Acta et Articuli Dominorum Statuum et Ordinum Regnorum Croatiae et Slavoniae, in generali ipsorum Congregatione, penes Commissionem suae Excellentiae Banalis, ex Edicto Excellentissimi et Illustrissimi Domini Comitis Joannis Draskovich, Suae Maiestatis Sacratissimae Intimi Consiliarii et Officii Banalis Locumtenentis, pro die 23. et sequentibus Mensis Augusti Anni Millesimi Septingentesimi Vigesima terti Zagrabiae celebrata conclusi.

(Caeteris exmissis.)

Articulus Decimus Tertius.

Diploma Caesareo-Regium, Illustrissimo Domini Comiti Dismae ab Averspergh clementer elargitum, in praesenti Congregatione Statibus et Ordinibus praesentatum, publicatum, et nemine contradicente acceptatum est. Ipseque Dominus Comes (deposito in facie Congregationis solito et solenni Juramento) suique Haeredes et posteritates utriusque Sexus in Indigenas recepti sunt.